

Kõkõbị ãlu ni Páulũ ní sĩa sế
Tímōtéyō
ní rĩ
Tã búkũ rĩ vé rĩ ã ùlũngará

Tímōtéyō ri kẹrĩmvá, ílì kárakará kọpi rikí ẹcì Páulũ be, ri Páulũ ẹ ìzã koó ụ'dụkọ múké Kúrísítō vé rĩ ã ùlũngará sĩa. Vùdrị ni gé, Páulũ pẹ Tímōtéyō ri muụ adrií 'bá kãnisã vé rĩ pi ní drịkoma rú kữrụ Ẹfésō vé rĩ ágá.

Páulũ sẹ kọkõbị 'dĩri Tímōtéyō ní ìri ímbázú ãní lẹtị 'bá kãnisã vé rĩ pi ní rizú Múngú ri ìnjìzú rĩ sĩa, ãzini 'bá ãngũ ímbá'bá ùnjō sĩa rĩ pi vé tã sĩa. Kọkõbị rĩ ímbá lẹtị ì ní rizú 'bá ùpězú 'bãã drịkoma rú rĩ vé tã, ãzini ímbá lẹtị drịkoma kãnisã vé rĩ pi ní ẹzị ngazú ngúlúmũ ãndiãndi rĩ pi ãsãmvú gé, kẹrĩanji rĩ pi ãsãmvú gé, 'bá ãrãkã rú rĩ pi ãsãmvú gé, ãzini ọwụzị rĩ pi ãsãmvú gé rĩ vé tã.

¹ Ma Páulũ Kúrísítō Yẹsũ vé 'bá áyúãyũ rĩ 'i, Múngú 'bã Paápi rĩ, ãzini Kúrísítō Yẹsũ 'bá ní ẹsị 'bãã drị ni gé rĩ, kọpi ìpẹkí ma adrií 'bá áyúãyũ ni rú nĩ. ² Tímōtéyō mã mvá rĩ, mi Kúrísítō Yẹsũ ri ẹ'yípi gí rĩ, á sĩa kọkõbị 'dĩri sếé mí ní nĩ. Ẹsị múké, ẹsị ìdríkídri, ãzini tãkiri 'bá Ẹtẹpi Múngú vé rĩ, ãzini 'bávé Úpí Kúrísítō Yẹsũ vé rĩ ã adri ìmi be.

Páulũ ímbá Tímōtéyō ri 'bá rì'bá tãimbị ímbá'bá ùnjō sĩa rĩ pi vé tã sĩa

³ Má ní ngazú mužú Mākēdōnīyā gá rī gé, má ẹ̀zì mí ní, má kīnī, mí adri Ēfēsō gá 'dāgá, mí uga rí 'bá ri' 'bá tā ũnjō vé ni ímbá' 'bá rī pi, kōpi ā kukí rí ímbángará ũnjō vé 'dī' 'bée āní. ⁴ Mí ku kōpi ā rikí sâ izaá rizú ú' 'dógú' 'dógú ẹ̀zì ākó ni pi átá rizú āgátá íjízú ĩ āsámví gé sī ku, āzini kōpi ā rikí ívé ẹ̀' 'bípìjì ā rú ũlūú mužú ku, tā 'dī' 'bée ri āgátá íjì āsámví gé sī. Āgátá 'dīri sē 'bá rī pi ẹ̀' 'yīkí Múngú ri āní ku.

⁵ Tā má ní mi ímbázú rī ĩri 'dīni, lē 'bá Yēsū ri ẹ̀' 'yī' 'bá gí rī pi ā lēkí ĩ lēlē. Lēngará 'dīri íngá ẹ̀sì adriipi uletere, yīkì adriipi múké, āzini ẹ̀' 'yīngará adriipi áda rú rī agá. ⁶ 'Bo 'bá ri' 'bá āngū ímbá' 'bá rī pi ā urukọ kukí tā 'dī' 'bée gí, kōpi nóni ri átángá ẹ̀zì ākó ni pi átá áyu. ⁷ Kōpi lēkí 'bá rī pi ā nīkí 'yozú kīnī, ĩ ri tāímbì Mósē vé rī ímbá, 'bo kōpi nīkí tā ĩ ní rií átá rī kuyé, kōpi ícókí tā ĩ ní átá rī vé ífífí ũlūú ku.

⁸ 'Bá nīkí rá tāímbì rī múké, 'bá rī 'du dō tā ni ngáa pìrì. ⁹ 'Bá nīkí kpá rá, sēkí tāímbì rī 'bá tā 'o' 'bá pìrì rī pi ā tā sī kuyé, sēkí tāímbì rī 'bá tāímbì rī ñō' 'bá, 'bá wa' 'bá ari' 'ba rú, 'bá Múngú ri nī' 'bá ku, āzini 'bá ũnjīkānyā 'o' 'bá rī pi ā tā sī, āzini sēkí 'bá ĩ ẹ̀tépìjì ú' 'dì' 'bá, dōku ĩ ẹ̀ndrèpìjì ú' 'dì' 'bá, āzini 'bá 'bá rī pi ú' 'dì' 'bá rī pi ā tā sī. ¹⁰ Sēkí tāímbì rī 'bá ọ̀wù rú rī pi ā tā sī, āzini āgō ri' 'bá la' 'bá āgō sī rī pi ā tā sī, dōku ũkú ri' 'bá la' 'bá ũkú sī rī pi ā tā sī, dōku sēkí 'bá ri' 'bá 'bá uru' 'bá ọ̀zì' 'bá tūgèrì rú rī pi ā tā sī, 'bá ũnjó rú rī pi ā tā sī, āzini 'bá ũnjō úlì' 'bá mākātā vūrā gá rī pi ā tā sī, āzini 'bá ri' 'bá tā ũnjì urukọ 'o' 'bá ímbángará múké rī vé tā újá' 'bá tūngú rī pi ā tā

sĩ. ¹¹ Ímbángará múké 'dĩri, ĩri ú'dúkó múké má ní ũlũú rĩ, Múngú ĩ ní íngúngũ rĩ sê tã ni má drĩgé nĩ.

Páũlũ sê ōwō'dĩfô Múngú ní

¹² Á sê ōwō'dĩfô 'bávé Úpí Yēsũ Kúrísítō ní, sê má ní ũkpō ẹzị ívé rĩ ngazú nĩ, ndre á 'bã ẹsị ívé ẹzị ngazú, ĩri ní ma ĩpězú ívé ẹzị ngazú ǎnĩ.

¹³ Ándúró á ri dō Kúrísítō ri ideé, á ri dō ĩrivé 'bá ọcũú ũnjí ũnjí, ǎzini mâ ẹsị ǎ adri dō ũká ũká drǎǎsĩyǎ, Múngú 'bã ẹsị ĩdríkídri má ní rá, ǎ'diātāsĩyǎ á ri tã rĩ 'oó ẹnjǎkō sĩ, ǎzini má ní Yēsũ ri ẹ'yĩ kuyé rĩ sĩ. ¹⁴ 'Bávé Úpí Kúrísítō Yēsũ 'bã ẹsị múké má ní ǎmbúgú, sê má ẹ'yĩ ĩri rá, ǎzini sê má ní lēngará.

¹⁵ Kúrísítō Yēsũ ímú vũ drĩgé nōgó 'bá ũnjĩkǎnyǎ be rĩ pi paá ĩvé ũnjĩkǎnyǎ agásĩ. Tã ĩ ní 'yoó 'dĩri tã áda, lē 'bá céré ẹ ẹ'yĩkí tã 'dĩri. Mávé ũnjĩkǎnyǎ aga 'bá urukọ'bée vé rĩ rá.

¹⁶ Ma ũnjĩkǎnyǎ be agaápi rá nōri, Múngú 'bã ẹsị ĩdríkídri má ní, Kúrísítō Yēsũ ǎ 'bã rí ma adrií ũ'bĩtǎ rú ívé ẹsị mǎdǎ rĩ ǎ tã 'i'daá 'bá ímú'bá 'i ẹ'yĩ'bá rĩ pi ní, ǎzini 'bá ímú'bá ídri 'dání'dání rĩ ĩsú'bá rĩ pi ní. ¹⁷ 'Bǎgú adriípi mužú 'dání'dání, drǎápi ku, ĩ ní rú'bá ni ndreé ku, adriípi 'yēǎ Múngú 'i rĩ, lē ẹ ĩnjĩkí ĩri ĩnjĩnjĩ, ǎzini ẹ íngúkí ĩri mužú 'dání'dání. ǎmĩnǎ.

¹⁸ Tĩmôtéyō mâ mvá rĩ, tã má ní ẹzị mí ní 'dĩri, ĩri tã nẹbĩ rĩ pi ní ándúró 'yoó mí tã sĩ rĩ, 'í 'du dō tã 'dĩri ngaá rá, ĩri sê mi ẹ'dí 'dị múké Úpí ǎ rú sĩ, sũ ǎngaráwá ní ẹ'dí 'dị rĩ tĩnĩ. ¹⁹ Lē mí tu pá tĩtĩ mívé ẹ'yĩngará agá, mí 'o tã adriípi pĩrĩ

ni áyu. 'Bá ɔrɔko gākí tã 'dĩri sī, sē kōpi kukí ìvé ẹ'yīngará ĩ drígé sī gí. ²⁰ 'Bá 'dĩ'bée àsámvú gé, 'bá rĩ Āmīnáyī pi Ālĕkīzándā be, á sē kōpi kú Sātánā drígé, kōpi ã nĭkí rí tã, kōpi ẽ idekí rí Múngú ri ku.

2

Páulū ímbá lẹtì ĩ ní Múngú ri zìzú rĩ

¹ Tã drīdrī má ní lěé ẹzìjì ĩmi ní rĩ 'dĩ, lě ĩmi zìkí Múngú ri 'bá rĩ pi ní céré. ĩmi mākí Múngú ri, ĩmi zìkí ĩri, ã ko rí kōpi ẽ ĩzã, ĩmi sēkí ǒwǒ'dífô Múngú ní. ² ĩmi zìkí Múngú ri 'bāgú rĩ pi ní, āzini 'bá drīkoma rú rĩ pi ní, 'bā adrikí rí 'bā àsámvú gé sī tã be kírì, ẹsì be mādā 'bá Múngú vé ni pi rú, 'bā 'okí rí tã pìrì, 'bā ĩnjìkí rí Múngú ri ĩnjìnjì. ³ 'Bá zìkí dō Múngú ri 'dīni, ĩri múké, ĩri Múngú 'bā Paápi rĩ ní āyìkō sē. ⁴ Múngú lě ã pakí 'bá rĩ pi céré, āzini lě kōpi ã nĭkí tã áda rĩ. ⁵ Múngú ri 'yéńá ālu, 'bá 'bā àsámvú ícìpi Múngú be rĩ Kúrísítō Yẹsũ 'i. ⁶ Yẹsũ sē 'i 'dìjì dráá 'bá rĩ pi ẽ drī jezú āní, Múngú ũlū tã 'dĩri sá múké ni gé. ⁷ Múngú ĩpě ma 'bá áyúāyũ ní rú rií ỳ'dúkó múké rĩ ũlūú 'bá rĩ pi ní. Ma ri tã áda rĩ ũlū, má úlì ũnjō ku, ma ri tã áda ẹ'yīngará vé rĩ ũlū 'bá adri'bá Yāhúđì rú ku rĩ pi ní.

⁸ Vūrā céré 'bá rĩ pi ní rizú ĩ úmúzú Múngú ri zìzú rĩ gé, á lě 'bá adri'bá uletere rĩ pi kádō rií Múngú ri zìjì, kōpi ẽ ingakí ĩ drī suú ɔrɔ, ọgúpì ẽ ẹsì ã ve ọgúpì ní ku, kōpi ã gākí āgátá ĩ àsámvú gé sī ku.

9 Á lě kpá ũkú rĩ pi ã úsúkí ĩ bõngó índrépi múké ni sĩ, bõngó drĩnjá sěépi ku ni sĩ, ãzini bõngó rụ'báná ọ̀zũ̀̀pi cére ni sĩ. Lě ũkú rĩ pi ã sěkí ĩ drĩ'bí tíi ku, dõku kòpi ã 'yĩkí ngá ĩ ní údé dábũ sĩ ni pi ĩ rụ'báná gá ku, dõku kòpi ã 'yĩkí mãyākā ọ̀gũ'báná ọ̀gũ̀̀gũ ăjě be ămbúgú ĩ ní zĩ pálĩ rĩ pi* ku, dõku kòpi ã sukí bõngó ĩ ní jeé ăjě be ămbúgú ni ku. 10 Ũkú 'yo'báná kínĩ ĩ ĩnjĩkí Múngú ri rá rĩ pi, lě kòpi ã 'okí tã índrépi múké ni 'báná rĩ pi ęndręti gé.

11 Ĭ dõ ri 'báná rĩ pi ímbá, lě ũkú rĩ pi ã újĩkí kírĩ, kòpi ę ĩnjĩkí 'báná ăngũ ímbá'báná rĩ pi ĩnjĩnjĩ. 12 Má ă'yĩ ku ũkú rĩ pi ní ăgõ rĩ pi ímbázú, dõku ũkú rĩ pi ní átázú ũkpõ sĩ ăgõ rĩ pi drĩgę, lě kòpi ã újĩkí kírĩ, ă 'băkí bí tã rĩ yizú. 13 Ă'diătăsiyă Múngú gbi Ădámă† ri drĩdrĩ, vudrĩ ni gé, ĩri ní Ăvă‡ ri gbizú. 14 'Bá Sătánă ní mị ni ũ'băá rĩ adri Ădámă 'i kuyé, 'báná rĩ Ăvă 'i, ĩ ní mị ni ũ'băá rĩ sĩ, sę 'de ũnjĩkănyă agá. 15 Ũkú rĩ pi dõ ę'yĩngará be, lęngará be, tã be uletere, ăzini kòpi dõ ri tã 'o múké, ĩ kòpi pa kòpi ní anji tĩ rĩ sĩ. §

* **2:9** 2:9 Mãyākā ọ̀gũ'báná ọ̀gũ̀̀gũ ăjě be ămbúgú ĩ ní zĩ pálĩ rĩ pi: Pálĩ índré sũ iră ọ̀gũpi ọ̀gũ̀̀gũ ũnyĩ be ăjě be ămbúgú rĩ tĩnjĩ. Títiríkó ri kòpi údé nĩ ívé kókó'bõ agá. † **2:13** 2:13 Ădámă: Ădámă ri 'báná Múngú ní í'dó gbiũ drĩdrĩ rĩ. Ĭri ętępi 'báná vũ drĩgę rĩ pi vé ni cére. Ĭrivé ũkú Ăvă ri ęndrępi 'báná vũ drĩgę rĩ pi vé ni cére. † ĩ lă Ĭ'dóngará 1-5. ‡ **2:13** 2:13 Ăvă: Ăvă ri ũkú Múngú ní í'dó gbiũ drĩdrĩ rĩ. Ĭri ęndrępi 'báná vũ drĩgę rĩ pi vé ni cére. † ĩ lă Ĭ'dóngará 1-5. § **2:15** 2:15 Ĭ kòpi pa kòpi ní anji tĩ rĩ sĩ: Ífifi ni na, ălu ri, Múngú ri ũkú rĩ pi ę ĩză ko anji tĩngará sĩ, ĩrĩ rĩ, Múngú ri ũkú rĩ pi pa Yésũ vé tĩngará sĩ, na rĩ, Múngú ri ũkú adri'báná múké ęndrępi rú rĩ pi pa.

3

'Bá drĭkoma rú kánísā vé rĭ pi

¹ Ádarú 'bá rĭ 'bā dō éšĭ lēzú adrízú drĭkoma rú kánísā agá, 'bá 'dĭri lē ězĭ múké ni ngaá. ² 'Bá lēépi adriípi drĭkoma* rú rĭ, lē ā 'o tā pĭri, ā je 'yéná ũkú ālu, 'a ni ā ve tā sĭ mbēlēná ku, lē ā ũtē 'i ũtētē, ā adri 'bá ĭ ní ĩnjĭ ĩnjĭ ni, lē ē ě'yĭ ũmú rĭ pi ívé āngá éšĭ be céré, ā adri 'bá āngū ímbápi ni, ³ lē ā mvu íwá ĩmērēzú ku, ā adri gbórókó rú ku, ā adri éšĭ be mādā, ā adri ũmbá rú ku, āzini ā 'bā éšĭ āmbúgú mŭfēngā drĭgé ku. ⁴ Lē ā mba ívé 'bá 'bētĭ āsámvú gé rĭ pi ā tā múké, lē anjiná ĩrivé rĭ pi ē ĩnjĭkĭ ĩri ĩnjĭnjĭ, āzini ā 'dukĭ ĩrivé tā ngaá. ⁵ 'Bá rĭ ícó dō 'bá ívé 'bētĭ āsámvú gé rĭ pi ā tā mbaá ku, ĩri ícó 'bá kánísā vé rĭ pi ā tā mba ngóni?

⁶ 'Bá ĭ ní 'bāá drĭkoma rú rĭ, lē ā adri 'bá Yēsū ri ě'yĭipi ú'dí rú ni ku, ā'diātāsĭyā ĩri 'i íngungū, ĩ ímú ĩrivé tā lĭ sŭ ĩ ní ādróko† vé tā lĭ rĭ tĭni. ⁷ Lē 'bá Múngú ri nĭ' 'bá ku rĭ pi ē ĩnjĭkĭ ĩri ĩnjĭnjĭ ĩrivé tā 'oó múké rĭ sĭ, 'bá rĭ pi ē ědĭkĭ rĭ rú ni tā ũnjĭ sĭ ku, ā ā'yĭ rĭ bāákú ādróko ní pĭi rĭ gé ku.

⁸ Dĭkōnĭ rĭ pi, lē ē ĩnjĭkĭ kōpi ĩnjĭnjĭ, lē tā kōpi ní átá rĭ ā adri tā pĭri, kōpi ā rikĭ íwá mvuú ĩmērēzú ku, lē kōpi ā 'bākĭ éšĭ āmbúgú mŭfēngā drĭgé ku. ⁹ Lē kōpi ā 'dukĭ tā ě'yĭngará vé rĭ 'bāá ĭ éšĭ agá tĭtĭ, lē kōpivé yĭkĭ ā adri pĭri. ¹⁰ Drĭdrĭ ni, lē ā

* **3:2** 3:2 Drĭkoma: 'Bá ĭ ní zĭjĭ drĭkoma 'dĭri, ĩri bĭšōp. † **3:6** 3:6 Ādróko: Ādróko vé rú Sātánā 'i, ĩri āmbúgú índri ũnjĭ rĭ pi drĭgé, gā tā Múngú vé ri 'dugá ngagá sĭ 'bŭ gé 'dālé. Múngú ídró ādróko ri índri ũnjĭ rĭ pi be 'bŭ gé 'dāásĭ nĭ. 'Í lā I'dangará 12:7-9.

ũ'bĩkí kôpi ũgbále, ísúkí dō tā āzi kôpi rụ'báná gá
 ũnjí kuyé, kúru ā 'bākí kôpi ẹzị ngáá dīkõnĩ rú.

¹¹ Lē ē ñnjíkí kôpivé ũkú ñnjĩnjĩ, lē ũkú kôpivé rĩ
 ā 'yokí 'báná ku, kôpi ā mvúkí íwá ku, kôpi ā 'bākí
 ẹsị tā 'ozú pịrị.

¹² 'Bá dīkõnĩ rú rĩ, lē ā je ũkú ālu, ā mba ívé
 anjíná rĩ pi ā tā múké, āzini ā mba ívé 'báná 'bẹtị
 āsámvú gé rĩ pi ā tā múké. ¹³ Dīkõnĩ ẹzị ngá'báná
 múké rĩ pi, 'báná rĩ pi kôpi ñnjĩ rá, kôpi ní Kúrísítō
 Yẹsũ ri ẹ'yĩjí gí rĩ sī.

¹⁴ Má ũsũ, á lē kōdō mụú mi ndree ú'díkírĩnájá
 nōgó, 'bo á sī kōkōbị 'dĩri sée mí ní mi ímbázú
 ānị, ¹⁵ ā'diātāsīyā á ca dō mbēlēnájá kuyé, lē mí nị
 múké 'yozú kínĩ, lē anjị Múngú vé rĩ pi ā adrikí
 tā be pịrị. Kānísā Múngú ídri rú rĩ vé rĩ tu pá
 ũkpó ũkpó, ñri tā áda rĩ ũlũ 'báná rĩ pi ní.

¹⁶ Ádarú tā āmbúgú āmbúgú Múngú ní ũzũú
 kuú mūdūmūdū rú rĩ, ñri 'díní,
 Kúrísítō ri tịkí ñri ñfũú 'báná áda rú,
 Índrí Uleterē rĩ i'da kīnĩ, ñri 'báná pịrị.

Mālāyíkā rĩ pi ndrekí ñri rá,
 'báná rĩ pi ũlũkí ñrivé tā mụzú āngũ rĩ pi agásĩ
 céré,
 'báná rĩ pi ẹ'yĩkí ñrivé tā vũ drịgégé sī céré,
 Múngú 'dụ ñri mụzú 'bũ gé gí.

4

*Páulũ ímbá Tĩmôtéyô ri 'báná āngũ ímbá'báná
 ũnjō sī rĩ pi vé tā sī*

1 Índrí Uletere rĩ lũ uletere kĩnĩ, úmvúlésĩ 'bá uringo ímú ìvé ẹ'yĩngára ku rá, kôpi índrí ũnjĩ* mĩ ũ'bā'bée rĩ pi vé tā 'du nga áyu, āzini kôpi tā índrí ũnjĩ rĩ pi ní ímbá rĩ 'du nga áyu. 2 Tā 'bá 'dĩ'bée ní ímbá rĩ pi, kôpi ri tā ũnjō vé ni ímbá, kôpivé yĩkĩ ábá gí. 3 Kôpi ri 'bá rĩ pi uga kínĩ, kôpi ā jekĩ ũkú ku, āzini kôpi ā nyakĩ ānyāngā uringo'bée ku. 'Bo Múngú gbi ānyāngā 'dĩ'bée nĩ, 'bá Múngú ri ẹ'yĩ'bá gí, āzini ĩrivé tā áda rĩ nĩ'bá rá rĩ pi, ā nyakĩ ānyāngā 'dĩ'bée, ā sēkĩ ōwō'dĩfō ĩri ní. 4 Ā'diātāsīyā ngá Múngú ní gbiĩ rĩ pi ārevú céré múké, lē 'bá āzi ā gā ku, lē 'bá rĩ ẹ ẹ'yĩ ānyāngā rĩ nyaá, ā sē ōwō'dĩfō. 5 Ā'diātāsīyā ú'dúkó Múngú ní átá rĩ, āzini zingára ĩ ní zĩĩ rĩ sē ānyāngā rĩ ícá uletere gí.

Ātĩ'bá múké Kúrísitō Yēsũ vé rĩ

6 Mĩ ímbá dō tā 'dĩ'bée 'bá Yēsũ ā pámvú ũbĩ'bá rĩ pi ní rá, mĩ ímú adri ātĩ'bá múké Kúrísitō Yēsũ vé ni, mĩ adri ũkpó ũkpó mívé ẹ'yĩngára agá, tā áda mí ní ẹ'yĩ, mí ní riĩ 'duy ngaá 'dĩri, ĩri sē mĩ 'bá rĩ pi ímbá muzú ānĩ múké. 7 Lē mĩ fi átángá ẹzĩ ākó 'bá rĩ pi ní riĩ átá rĩ átá ĩndĩ ku, āzini lē mĩ fi ú'dógú'dógú ũnjĩ ũkú āká rĩ pi ní riĩ átá rĩ átá ĩndĩ ku, lē mĩ ímbá mĩ adriĩ 'bá Múngú vé ni. 8 Mĩ ímbá dō mĩ rú'bá adrizú ũkpó ũkpó, ĩri múké, 'bo agaápi rá rĩ, lē mĩ ímbá mĩ tā múké ni 'oó, ā sē rĩ Múngú ní āyĩkō, ĩri í'dó mĩ ĩzā ko

* 4:1 4:1 Índrí ũnjĩ rĩ pi: Índrí ũnjĩ rĩ pi ándúru mālāyíkā Múngú vé ni 'bũ gé 'dāá, kôpi ñókĩ tāĩmbĩ Múngú vé rĩ, Sātānā ri kôpivé āmbúgú. Múngú ídró kôpi 'bũ gé 'dāásĩ vūgá nōó, kôpi gōkĩ ufuú índrí ũnjĩ, kôpi ri 'bá rĩ pi ní ĩzāngā sē vū drĩgé nōgó. 'Í lā l'dangára 12:7-9.

mí ní adringará gá vũ drĩgέ nōgó, āzini mi kpá úmvúlésĩ ídri 'dáni'dáni rĩ ịsụ rá, Múngú ní ẹzi ị rĩ tịni.

⁹ Tā 'dĩri tā áda, lē 'bá rĩ pi céré ā ā'yĩkí tā 'dĩri. ¹⁰ Tā 'dĩri sē 'bá ụ'bĩkí ẹzi ngaa ụkpō sī, sē 'bá 'bākí ẹsị Múngú adriipi ídri rú 'bá rĩ pi Paápi rĩ drĩgέ, agaápi rá rĩ, ịri 'bá 'i ẹ'yĩ'bá gí rĩ pi pa.

¹¹ Mí ímbá tā 'dĩ'bée 'bá rĩ pi ní, 'í sē taimbị, lē kọpi ā 'dukí tā rĩ ngaंगा. ¹² Lē mī sē 'bá āzi ā ọwụ mi ku, ā'diātāsīyā mi drĩ kẹrĩmvá. Lē mī átá tā áda 'bá rĩ pi ní, mívé adringará ā adri múké, mī lē 'bá rĩ pi lēlē, lē mī ẹ'yĩ Yēsū ri ẹsị be céré, lē mī adri ule, 'bá ẹ'yĩ'bá gí rĩ pi ā 'dukí rí tā rĩ ngaa sū mí ní ngaa rĩ tịni. ¹³ Lē mī lā búkū Múngú vé rĩ 'bá rĩ pi ní, mī sē tị Múngú vé rĩ, āzini mī ímbá 'bá rĩ pi cĩmgbá má ní cangará gá.

¹⁴ Fēfē Índrĩ Uleterē rĩ ní sē mí ní ẹzi Múngú vé rĩ ngazú, nẹbị rĩ pi ní tā ni 'yoó sá drĩkoma rĩ pi ní drĩ tịzú mí drĩgέ rĩ gé 'dāri, lē mī gā ku. ¹⁵ Lē mī 'bā ẹsị tā 'dĩri ụnịzú, mī sē mī rú'bá céré tā 'dĩri 'duzú ngazú, 'bá rĩ pi ā ndrekí rí 'yozú kínĩ ẹzi mívé rĩ ri mụ múké. ¹⁶ Tā mí ní rií ngaa rĩ agá, āzini tā mí ní rií ímbá rĩ agá, lē mī útē mi útētē. 'Í 'du dō tā rĩ ngaa sū 'dĩri tịni, mi pangará ịsụ rá, āzini 'bá mi yi'bá rĩ pi kpá pangará ịsụ rá.

5

Páulū ímbá Tīmōtéyō ri lẹti 'bá rĩ pi ā tā mbazú rĩ ā tā sī

¹ Lē mī ịrĩnā 'bá āmbúgu mi agaápi ílĩ sī rá rĩ ụ'dúkọ ụkpó ụkpó ni sī ku, lē mī átá átángá rĩ ịri ní ịnịngará be, sū mí ní rií átá mí ẹtẹpi ní rĩ tịni.

Lê mî átá kĕrĭanji rĩ pi ní átángá rĩ sũ mí ní rií átá mí édrípĭi ní rĩ tĭni. ² Lê mî átá ũkú ambugu rĩ pi ní átángá rĩ ĩnjĭngará be, sũ mí ní rií átá mí éndrĕpĭi ní rĩ tĭni, lê mî átá anji ũkú rĩ pi ní átángá rĩ éśĭ ule sĭ, sũ mí ní rií átá mí ómvúpĭi ní rĩ tĭni.

³ Lê mî mba ọwuzi ĩ ní kuú lĭkĭcọ rú rĩ pi ã tã múké. ⁴ 'Bo ọwúzĭ rĩ dō anji be, dōku ĩrivé anjiná rĩ pi vé anji dō anigé, lê anjiná rĩ pi ã ũnĭkĭ tã Múngú vé rĩ 'duyú ngaá, kọpi ã mbakí ĩ étépĭi, āzini ĩ éndrĕpĭi ã tã múké, āzini kọpi ã mbakí ĩ ẹ'bĭpĭi, āzini ĩ ĩdrĕpĭi ã tã múké, kọpi 'okí dō 'dĭni, ĩri sĕ Múngú ri adri ānĭ āyĭkō sĭ.

⁵ 'Bo ọwúzĭ adriipi lĭkĭcọ rú, 'bá ākó rĩ, ĩri éśĭ 'bã céré Múngú drĭgé. ĩri Múngú ri zĭ ũtúná pi ĩniná be, Múngú ã ko rí 'ĭ ĩzā bĕnĭ. ⁶ 'Bo ọwúzĭ riipi āyĭkō nyọókú nōri vé rĩ ã tã ũsũúpi áyu rĩ, ã adri dō ídri rú drāāāsĭyā, agálésĭ ĩrivé índri drā gí. ⁷ Mí ímbá tã 'dĭri 'bá kánísā vé rĩ pi ní, 'bá āzi ã 'yo rí, kọpi 'okí tã ũnjĭ 'dĭni ku. ⁸ 'Bá rĩ sĕ dō ngá ívé máríté rĩ pi ní ku, agaápi rá rĩ, sĕ dō ngá ívé 'bá 'bĕtĭ āsámví gé rĩ pi ní ku, 'bá 'dĭri gā ẹ'yĭngará vé tã sĭ, tã ũnjĭ ĩri ní 'oó rĩ ndĕ 'bá ẹ'yĭpi kuyé rĩ vé rĩ rá.

⁹ Ọwúzĭ rĩ vé ílĭ ca dō pŭkú ázĭyá kuyé, ã sĭkĭ ĩrivé rú búkū ĩ ní rizú ọwuzi rĩ pi ã rú sĭzú rĩ agá ku, ọwúzĭ ĩ ní sĭi rĩ, lê ã adri ũkú ándúró ívé ágó ĩnjĭpi ĩnjĭni, ¹⁰ ã adri ũkú 'bá rĩ pi ní nĭi rá 'yozú kĭnĭ, ĩri tã 'o múké ni, ũkú ívé anjiná úcépi mbaápi múké ni, ũkú ũmú ẹ'yĭpi ni, ũkú riipi ẹzĭ ngaápi 'bá ẹ'yĭ' 'bá gí rĩ pi ní éśĭ be mādā ni, ũkú

riipi 'bá tã ní ʃsú rĩ pi ẽ ʒã koopi ni, ũkú riipi ívé ẽsí 'bãápi céré tã múké 'ozú ni.

11 Ọwuzi drĩ adri'bá izoná rú rĩ pi, ă siki kôpi ă rú búkũ ọwuzi rĩ pi ă rú sızú rĩ agá ku, ă'diātāsīyā ẹbiri rú'bá nōri vé rĩ drĩ kôpi rú'bá gá ũgōgō, ʒri sē kôpi ẹzi Kúrísitō vé rĩ ă ngangará ku rá, kôpi ẽsí 'bã ăgō jezú. 12 Kôpi 'okí dō sũ 'diri tĩni, ʒ kôpivé tã ʒi ũnji, ă'diātāsīyā kôpi nōki ũyō* ʒ ní sōo drĩdrĩ 'dāri gí. 13 Siki dō kôpi ă rú gí, ʒri sē kôpi adri ũvú rú, ri ẹci ngalanji jó rĩ pi ti gé sī, ri ăngũ 'yo be muzú, ăzini kôpi fi 'bá rĩ pi vé tã agá, kôpi tã ʒ ní kōdō ícō átá ku ni pi átá muzú. 14 Á lē 'yoó ọwuzi izoná rú rĩ pi ní, lē kôpi ă jekí ăgō, kôpi ă tiki ri anji, kôpi ă mbakí ri ívé 'bēti ă tã, ări'bágú rĩ ă ọwú ri ăngũ ku. 15 Ọwuzi rĩ pi ă urukọ kuki gārā gá gí, kôpi nōni ri Sātánā vé tã 'du nga áyu.

16 Ũkú Yēsũ ri ẹ'yĩpi gí rĩ vé 'bēti ăsámvú gé 'dāá, 'bá ọwuzi rú ni pi dō anigé, lē ũkú rĩ ă sē ọwuzi rĩ pi ní ngá kôpi ẽ ʒã kozú, ă ku ọgú rizú kôpi ẽ ʒã kozú rĩ kú kánisā drigé ku, kánisā ă ko ri ọwuzi ʒikicó rú, 'bá ăkó rĩ pi ẽ ʒã.

17 Lē ă ũfēki drĩkoma kánisā vé rĩ pi múké múké, agaápi rá rĩ, lē ă ũfēki 'bá ri'bá Múngú vé ti sē'bá rĩ pi, ăzini 'bá ri'bá ăngũ ímbá'bá rĩ pi. 18 ă'diātāsīyā Búkũ Múngú vé rĩ kīnī, "Ti mēenigó riipi ănyāngā ă fi coopi rĩ, lē mī úmbé ti ni cí ku," ăzini "Bá ẹzi ngaápi rĩ, lē ă ũfēki ʒri ũfēfē."

* 5:12 5:12 Ũyō: Ũyō 'diri, kôpi kīnī ʒ gōki ágó jeé ku, ʒ ẹzi nga Kúrísitō ní. 5:18 5:18 Dētōrōnómē 25:4 5:18 5:18 Lúkā 10:7

19 'Bá âzi tō dō 'bá drīkoma rú kânísā vé ni, lē mī yī 'bá ĩri tōópi rī vé tã ku, 'bá ĩrī dōku 'bá na ẽříkí dō ĩrivé tã nī ká. 20 'Bá ũnjĩkãnyã 'o'bá rī pi, lē ā 'yokí kōpivé tã kōpi útúzá ãní 'bá kânísā vé rī pi ẽndrẽti gé, ā sē rí 'bá urukọ ní ũrĩ, kōpi ā 'okí rí ũnjĩkãnyã ku.

21 Múngú ẽndrẽti gé, āzini Kúrísítō Yésũ ẽndrẽti gé, āzini mālāyíkã ĩ ní ũpéé rī pi ẽndrẽti gé, á lē mi ímbá, lē mī 'du tã rī ngaá sũ 'dĩri tĩnj, lē mī ri 'bá urukọ'bée lée 'bá urukọ'bée nděé ku, lē mī lē 'bá rī pi céré.

22 Mí ndre dō 'bá āzi kânísā agá 'dĩgé, 'í lē dō ā adri drīkoma rú, ā tĩkí drī drī ní gé mbělēñá ku, mī fi rí 'bá 'dĩri vé ũnjĩkãnyã agá ku, lē mī adri uletere Múngú ẽndrẽti gé.

23 Mī ri 'yéñá yī mvu áyu ku, lē mī mvu vinyõ kínikiniñá ĩndĩ, ā'diātāsīyã mī 'a ní rií ásósõ rī sī, āzini mí ní nĩjĩ rií adrií āzó rú rī sī.

24 'Bá urukọ vé ũnjĩkãnyã i'da 'i kú āmvé, ĩri sē ĩ tã lĩ ãní kōpi drĩgé rá. 'Bo 'bá urukọ vé ũnjĩkãnyã nĩkí áamá ku, ĩ ímụ nĩ áamá vúlé vúlé rú.

25 ĩri kpá adri sũ 'dĩri tĩnj, tã múké 'bá urukọ ní 'oó rĩ, ĩri índré uletere, āzini tã múké 'bá urukọ ní 'oó rĩ, ícókí nĩjĩ áamá ku, ĩ ímụ nĩ áamá vúlé vúlé rú.

6

1 Túgẽrĩ Yésũ ri ẽ'yĩ'bá gí ri'bá ẽzĩ nga'bá ĩvé ambugu rī pi ní rī pi, lē kōpi ẽ ĩnjĩkĩ ĩvé ambugu rī pi ĩnjĩnjĩ, ā ọwukí rí rụ Múngú vé rī ãní ku, āzini ā ọwukí tã 'bá ní rií ímbá rī ku. 2 Lē 'bá ambugu Yésũ ri ẽ'yĩ'bá gí túgẽrĩ rī pi ní rií

ëzî ngaá kôpi ní rĩ pi ã ɔwukí túgẽrĩ rĩ pi ku, ã'diâtāsīyā kôpi ẽ'yĩkí Yésũ ri gí. Lẽ túgẽrĩ rĩ pi ã ngakí ẽzî rĩ ũkpõ sī, ã'diâtāsīyā 'bá kôpi ní riú ẽzî ngaá kôpi ní 'dĩ'bée, kôpi ẽ'yĩkí Yésũ ri gí, kôpi lēkí túgẽrĩ rĩ pi lēlẽ. Lẽ mĩ ímbá kôpi, āzini mĩ ĩcĩcĩkĩ kôpi ã 'dũkí tã mí ní ímbá 'dĩri ngaá.

'Bá āngũ ímbá' bá ũnjõ sī rĩ pi vé tã, āzini ã'bú vé tã

³ 'Bá āzi ímbá dõ tã āzi túngú 'i ruųpi 'bávė Úpi Yésũ Kúrísítõ vé rĩ be ku ni, āzini ímbá dõ tã 'i ruųpi Múngú vé rĩ be ku ni, ⁴ 'bá 'dĩri ẽ drĩ ũkpó ũkpó, nĩ tã āzi kuyé. Īrivé yĩkĩ tã 'ozú rĩ céré āgátá vé ni, ĩri āgátá gã tã ĩ ní sīi búkũ Múngú vé rĩ agá rĩ sī, ĩri adri ā'yā rú, ũmbá rú, ĩri āngũ u'da'da, ĩrivé yĩkĩ riú ũsũú 'bá āzi drĩgė rĩ, ĩri sē ẽsĩ ni ri ũtĩtĩ, ⁵ ĩri tã ũnjĩ íjĩ 'bá rĩ pi āsámví gé, ĩri sē kôpi adri āgátá rú. Kôpívė yĩkĩ tã 'ozú rĩ adri múké ku, kôpi kukí tã áda rĩ ã 'ongará gí, kôpi ũsũkĩ adringára Múngú agá rĩ ĩ ã'bú ĩsú āní.

⁶ Adringára Múngú agá rĩ, āndēma ni āmbúgú aga rá, ngá mí ní ĩsú rĩ, mi adri āní āyĩkõ sī.

⁷ Ā'diātāsīyā sã ĩ ní 'bã tĩzú vũ drĩgė nõgó rĩ gé, tĩkĩ 'bã ngá ākó, 'bã kãdõ drãã, 'bã jĩkĩ ngá āzi mužú ĩndĩ ku. ⁸ Kúru 'bã dõ ānyāngã be, āzini bõngó be, lē 'bã adrikĩ āní āyĩkõ sī. ⁹ 'Bá ẽsĩ 'bã'bée céré lēzú ã'bú ĩsúzú rĩ pi, kôpi fi tã ũnjĩ agá, kôpi ã'yĩ bãákú tã ũnjĩ vé rĩ agá, kôpi tã azakaza vé ni 'o, tã ũnjĩ ri kôpi ĩsú, kôpi ĩzāngã nya mužú ũdũ ākó. ¹⁰ Ā'diātāsīyā 'bã rĩ lē dõ mũfēngã ambamba, mũfēngã ri úlá ũnjĩkãnyã vé ni. 'Bá urũkõ'bée lēkĩ mũfēngã ambamba,

sē kōpi kukí ìvé ẹ'yīngára ĩ drìgé sī gí, āzini sē ìzāngā ñō kōpi ẹ ẹsì ambamba.

Lē mí tu pá tìtì mívé ẹ'yīngára agá

¹¹ 'Bo Tīmōtáyō, mí 'bá Múngú vé ní, lē mí ugo mí tā ũnjí sī ugo. Mí ũbĩ 'yéṅá tā pìrì, āzini tā múké rī áyu. Mí ũbĩ tā pìrì Múngú ní āyīkō sēepi rī, mí ẹ'yī Múngú rì, mí lē āngū lēlē, mí úmbé ẹsì ìzāngā rī ā nyangára gá, āzini mí adri ẹsì be mādā. ¹² Lē mí 'dì ẹ'dì ẹ'yīngára vé rī mužú múké. Lókí mí ní tā Yésū vé rī ẹ'yìzú mí tì sī 'bá tré pi ẹndrẹtì gé rī gé, Múngú sē mí ní idri 'dáni'dáni rī gí, lē mí 'du tā idri rī vé rī 'bāā tā āmbúgú rú. ¹³ Á 'yo mí ní, Múngú idri sēepi ngá rī pi ní cére rī ẹndrẹtì gé, āzini Kúrísítō Yésū 'í tì njeepi uletere Pónítìyō Pílátō ẹndrẹtì gé rī ẹndrẹtì gé, ¹⁴ lē mí 'du tā Yésū ní 'yoó 'dīri ngá lètì múké sī, 'bá āzi ẹ ẹdì rí mí rú tā ũnjí sī ku, cīmgbá cazú ụ'dú 'bávé Úpí Yésū Kúrísítō ní ímvízú rī gé. ¹⁵ Múngú rì úmvúlésì ímú Yésū rì i'da sà múké 'í ní lēé rī gé. Múngú ĩ ní íngúngū rī, ĩri Ūkpō 'Dípa, ĩri 'Bāgú 'bāgú rī pi drìgé cére, ĩri Úpí úpí rī pi drìgé cére. ¹⁶ ĩri Múngú, ĩri adri mužú 'dáni'dáni, drā ku, ĩri adri vūrā dīpi imvesírílí rī gé, 'bá āzi ícó ĩri ndreé ku. Lē ẹ ñnjíkí ĩri, āzini ẹ ñnjíkí ũkpō ĩrivé rī mužú 'dáni'dáni. Āmīnā.

¹⁷ Tīmōtáyō, 'í 'yo 'bá ā'bú be nyōókú drìgé nōgó rī pi ní, kōpi ā adríkí āfú sī ku, āzini kōpi ā 'bākí ẹsì ìvé mūfēngā ímúpi deḗpi deḗ 'dīri drìgé ku, ngá múké rī, lē kōpi ā 'bākí ẹsì Múngú 'bá ní ngá sēepi 'bá ní āyīkō ísúzú rī drìgé. ¹⁸ 'Í

lũ kôpi ní, lě kôpi ã áyúkí ãvé mũfěngã tã múké 'ozú ãní. Lě kôpi ã 'okí tã rĩ mužú éşí be múké, kôpi ã rikí ngá ãlěé sěé ĩ ãsámvú gé sī. ¹⁹ Kôpi 'okí dō 'dīni, kôpi ri ngá 'bã ku ĩ ní, sũ ĩ ní í'dó jó ã ndú ã'bãá rĩ tĩni, ĩri kôpi tē ụ'dú ímúpi drĩdrĩ rĩ gé 'dãlé, ĩri sē kôpi úmvúlésĩ ídri 'dáni'dáni áda rĩ ísú ãní rá.

²⁰ Tímōtáyō, lě mĩ ùtē tã Múngú vé ĩ ní ẹziĩ mí ní 'dĩri éşí be céré. Lě mĩ ri átángá Múngú ní ãyĩkō sěépi ku ni pi átá ku, ãzini 'bá mi ọwụ'bá 'yo'bá kínĩ ĩ nĩkí tã ambamba rĩ pi, ã fikí kôpivé tã agá ku. ²¹ 'Bá rĩ pi ã ụrukọ kukí ívé ẹ'yĩngará gí, ã'diātāsīyã kôpi ẹ'yĩkí 'bá 'yo'bá kínĩ ĩ nĩkí tã ambamba rĩ pi vé tã rá.

Múngú ã 'bã éşí múké ĩmi ní.

Ụ'dúkọ Múké Múngú vé rị

Keliko: Ụ'dúkọ Múké Múngú vé rị New Testament+
copyright © 2017 Wycliffe Bible Translators, Inc.

Language: (Keliko)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

14717198-957a-524c-b31f-2c3197945b20